

الرشاد

س ٦ ١ ٣ ٣ ٠ ١ ٣ ٣ ٠ ١ ٣ ٣ ٠

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف اديب

سبیل الرشاد

انتباه اسلام خصوصاً صحنه کی همت و حمیت دیندارانه لری جداً شایان تقدیر در . توجه عالیکزه تشکر لری ایدرز . ارزونی عالیلری وجهله اناطولیده معموره العزیز ولایتی داخلنده ملاطیه سنجاغنده اچقه طاغ قضاسی مفتیمی افندی واسطه سیله قضای مذکور طلبه علومى ايله مطالعہی ارزو ایدن سائر ذوات نامنه (۲۰۹ - ۲۳۸) ۳۰ نسخه قید اولوب ارسالاته باشلامشدر .

بیروت ادخالات کمرک مدیریتى معاینه مأمور لرلندن بکرسامی بک دن آدیغمز بر مکتوبیده مناسب بر محبه النی آی کوندرلنک اوزره اوتوز بش عروش کوندرلیدیکی بیلدیریلور . بو آونهده ۲۰۹ نومرو دن اعتباراً بغداد اعظمیه ناحیه سی مرکزنده امام اعظم جاده سنده کائن تربیه اسلام مکتبته قید اوله رق ارسالاته باشلامشدر . بکرسامی بکک حمیت و توجه عالیلرینه بیان تقدیر ايله عرض تشکر اولتور .

مَطْبُوعَات

دارالجهادده افغانیلر

افغانستانک (کابل) شهرنده انتشار ایدن (سراج الاخبار) جریده سنک مصر مخبرى (غلام نقشبند خان کحال افغانی) مذکور غزتهیه یازدیغی بر مکتوبیده شه فقر دینی درج ایدیور :

« مصر ، شام ، بغداد ، اناطولی واستانبولده ساکن اولوبده ، پادشاه محترم لریک طرابلس وبنغازی مجاهدلرینه معارفت تقدیهده بولونماسی حقنده کی اراده سندن (سراج الاخبار) واسطه سیله خبردار اولان افغانیلر ، همشهریلر ، وطنده ماللریله مجاهدینه یاردم ایتدکاری حالده بزتهیه بدنا ایفای معاونت ایتیهیم ؟ دهرک بشر بشر ، اونر اونر مصر طریقله میدان حربه عزیمت ایلهدیلر . بونلردن یوزاللی قدر کیمسه ايله کوروشدم . حتی انکلیر جنتلمنی قیافتنده برکنج ايله ملاقی اولدم که اوروبا سرپوشی آلتنده کی چهره سنده نورایمان بارلیوردی . لدی التحقیق آکادم که افغانی برده لیقانی اولوب برای تحصیل لوندیه کیتمش واکمال تحصیل ايله مصره کلش . ایچه مقداره بالغ اولان نقدیله اشیا سنی معتمد برذاته تودیع ايله (سلامتله دوترسم آلیرم ، نائل شهادت اولورسم بونلری هلال احمر جمعیتنه ویریکز) دیدیکدن صوکره ساحه جهاده متوجهاً عزیمت ایتدی . »

هندستانده اتحاد اسلام

(نایمس) غزته سنده نشر ایدیلن (هندستانده اتحاد اسلام عنوانلی مقاله ده مجملاً دینیایور که :

« برچوق زمانلر کاه اتحاد اسلامک مهالکی استخفاف ایدلکه وکاه حرکت مذکورده نک اهمیت فوق العاده اعظام ایدلکه کچدی ؛ فقط بوروایات و مطالعات مختلفه توالی ایتدیکی صرهده وخصوصیله برطاقم وقایع اخیرده نک تأثیریه فکر مذکور نامسبق درجهده قوت ، انسجام و اهمیت کسب ایتدی . پان اسلامیزمک باشلیجه منبعی اوروپاده وبالخاصه عثمانیلرک ، مصریلرک ، عربلرک و عجملرک زیاده مقدارده مجتمع بولندقلری بارسدهدر . تعلیمات ، معتمد آدملر واسطه سیله مذکور مرکز دن ارسال ایدلکهده ، ممالک اسلامیهده طرفدار جمع اولمقدهدر . سلطان عبدالحمید و محمد علی شاهک خلعتلرندن صوکره

مکتبلرده ، باخصوص علوم عالیله تحصیلنه مخصوص مؤسسه لر مدنیت حاضرده نک مفید نقطه لريله دینی هم آهنگ اوله رق یوروتورلر . نه دینی مدنیت حاضرده علمیه ونهده مدنیتی دین علمیه استعمال ایتزلر . هم مدنی ، همده متدین اولق ایتزلر . معافیله دین واهل سنت مذهبی علمیهده بعض فرقه لرده ظهور ایتیه باشلامشدر . از جمله بر معتزلی مذهبی میدان آلمقدهدر . مثلاً اکابر علمادن سید احمد خان قرآن اوزرینه بر تفسیر یاپه رق دین اسلامده معجزه و خوارق عادات کبی شیلر اولدیغنی سولیلورلر .

صکره سید جراح علیده تعدد زوجاتک ، اسارتک ، طلاقک عدم جوازینه قائل اولیور . حقوق دول قواعدندن خارج اولان اسارتی تجویز ایتدیکی کبی بر قوجه نک قاریسی بوشامسی ایلده طلاق جائز اولماز دیور . طلاقک صحیح اولسی ایچون قادین وارکک حکومته جلب اولنه لی ، اگر مفتی سبب اطلاقه دائر ارککک سرد ایلده کی ادله یی اطلاقه سبب کافی کوررسه مفتینک امری اوزره اطلاق ایدر ، اگر سبب کافی کورلرسه بوش اول دیسیله بوش اوله مازدیه اجتهاد ایدیور ، و طلاق باینک قطعاً ممنوع اولدیغنه حکم ایدیور .

ینه علمادن سید امیر علی ده تعدد زوجاتک عین زنا اولدیغنه حکم ایدرک جناب پیغمبری مثال کتیرنلری شوصورتله رد ایدیور : حضرت پیغمبرک ازواج مطهراتی نکاحه عائد اولان قوانین قرآنی شرفنازل اولردن مقدم تحت نکاحنده ایدیلر دیور . بوسویلدیکم علمالر علوم دینه و اصول فقه متخصصلریدر .

۱۴ — عجبا بوفکرک واسع بر مقیاسده تعمیم ایلده بیله کی ملحوظ میدر ، اهالینک بوفکره قارشی تمایللری نصدر ؟

— شمیدیکی حالده طرفدارلری یوق دکل . بومذهبکده ترویججه چالیشانلر واردر . فقط بالطبع غایت آزدر . مع هذا کیت کیده چوغالما لری ملحوظدر . چونکه هر یکی فکرک صاحبی بدایه از اولدیغنی حالده صوکره صوکره چوغالوب کیدیور .

— افندم تکرار تشکرایدرم ممنون اولدم دیهرک آدرس لرینی آلوب اللرینی صیقه رق ایرلدم . قلبه ، رمضان احمد حمیدی

سبیل الرشاد هریبه اسلامیه سی صریقته

بک افندی

عالم اسلامک خادم حقیقیسی اولان محترم سبیل الرشاده بک ناچیزانه بر خدمت ایفا ایتک ایسته دم : بورا پوسته سنه تسلیم ایکی مجیدیه تقدیم ایتدم . بوباره ايله التي آلیق آونه قید ایلده رک اک زیاده محتاج تنویر بریره محترم رساله کزی ارسال بیورمکزی استرحام ایدرم . بومحکم انتخابی ذات عالیکزه براقدم . هر حالده ، عمومی اوله رق ، انتخاب ایدیلده جک محکم ، اسلامک حیاتیله ، استقبالیله اک زیاده علاقه دار اولان زواللی آناطولیمزده اولسی فکرندیم . اومبارک ، فقط مظلم جزو وطنده نور انتباهک پارلامغه باشلادیغنی کورمک قدر بر سعادت تصور ایدم .

۱ دن ۲۰۱ نومروه قدر نسخه لریکز موجوددر . لکن ایکی آیدر طولاشمقده اولدیغمز ایچون محترم نسخه لرینی کورمک ممکن اولیور . بونی سولیکدن مقصدم ، اوچ سنه در ایتدیکم استفادهیه مقابل قلبمده بریکوب قالمش اولان بی پایان تشکراتمی ، شووسیله ايله ، ذات عالیلرینه عرض ایتدکر . صوک بر رجام ده واردر که اوده : ایلریده سبیل الرشادک ترقیسی اوغورنده پایله حق تشبیه اشتراک ایچون مراجعت ایدیلده جک قارلر آراستهده بوعاجزی ده اونو تامکزی عرض ایتدکر . قیمتدار وقتکک بر قاچ دقیقه سنی اشغال ایتدیکم ایچون عفو کزی استرحام ایلرم افندم .

اسمک جریده ايله اعلاقی قطعاً آرزو ایتیم . یالکز نرهیه کوندرمکده اولدیغکزی رساله کزله بیلدیرمک لطفنده بولورسه کز بک منتدار اولورم افندم . متروویچه : ***

شیون

عثمانی ایتالیا محاربه سی :

طرابلس :

۱۷ اگستوس . — حریبه نظارت جنبه سندن عثمانی آژانس تبلیغ اولمشدر : شهر حالک اون یدنجی کوئی صباحی مصرطه قصبه سی ایله اسکله سی اولان قصر احمد - مصرطه آرهنده کی یول اوزنده مجاهدین طرفندن قوریلان پوصویه دشمنک برطاپور قوتی ایله بیوک بر اوتوموبیل تصادف ایدرک اوکلیه قدر وقوع بولان محاربه ده دشمنک استناد نقطه سنی تشکیل ایدن زورق نام موقعی ضبط ایدلشددر .

درنه :

درنه ایتالیا ندرک مالی . — طرابلسدن ده با غزنه سنه اشعار اولمشدر : درنه ده حال وموقع الآن پک وخیمدر . جنرال ترومینک یرینه قوماندانغه کچن جنرال ریزولی قوه عثمانیه نك خط محاصره سنی قطع ایچون برخروج حرکتی اجرا ایلمک نیتدهدر . چونکه عثمانی کولله لری شهره قدر واصل اولمدهدر . درنه قوتی مقدارده امداد کوندلشدهدر . جنرال سلجه درنه طوبجیلرینک قومانداسنی درعهده ایچون طرابلسدن شهر مذکوره حرکت ایلشددر . بوندن بشقه اخیراً درنه برآلای پیاده ، ایکی طابور آلپ عسکری والی بطاریه طوب کوندلشددر .

آطرد ریزی :

ایتالیاه حالت رومی سی . — لریوزده ایکی ایتالیان نفرینک طرابلس غربیه سوق اولنقی امرینی آلتجه اتحارایتدکاری وقلینوزدهده ایکی ایتالیان ضابطنک عصیان ایله دکاری محارندن خبر ویریلدور .

انگلتره :

انگلتره وعالم اسلام . — هندستان غزته لرنده اوقوندیغنه کوره بومبای والیسی سیر جورج قلاقر اخیراً پوتا شهرنده وقوع بولان اسلام معارف قونفرانسنده ایراد نطق ایستدیک صره ده دیمشدرکه : « ممالک سائرده بولنان اسلاملرک مقدارتندن علاقه دار اولمکز طبیعی در . فقط اسلاملرک مقداراتی انگلتره یی دخی نه درجه علاقه دارایتدیکنی دائماً ادراک ایستدیککزی ظن ایتم . بز انگلیزلر ترکیه نك تمامی ملکیتنی مدافعه پک چوق قان دوکدک وپاره صرف ایتدک وبالاخره ده ترکیه نك بربحرانلی زماننده تکرار یاردم ایلدک . اونوتمایکدک شومحوس ولزومسز طرابلس محاربه سنک نتیجه سی ترکیه ایچون اغتشاشات واختلافات داخلیه دن دها آز حائر اهمیتدر . دائماً خاطره کتیریکدک انگلیز دیپلوماسیسی وانگلیر مظاهرتی اولسه ایدی ایرانک استقلال وتعامیت ملکیت سی چوقدن نهایت بولش اولور ایدی . بوکون ایرانک ترقی وتعالیسنه ومداخله اجنبیه دن مصونیتنه انگلتره قدر آرزوکش اولان هیچ بردولت یوقدر . بزم امل وآرزولرمزده سزکینک عینی در . حال بوک بزرک تماماً ادراک ایتمدیکدک برطاقم مشکلات قارشوستده بولنوروز . بناء علیه ایجابات عصریه نك بزه تحمیل ایستدیک وظیفه لری امکان دائره سنده حسن ایفا ایده جکمزدن امین ومطمئن اوله یلورسکز . »

مدرسول : اشرف ارب

مطبعة احمد احسان وشركاه

افغان امیری کنديسني عالم اسلامك رئيسي ومجاهدي عدايتكه باشلامشدرکه ادعاسی من جهة حقیدر ؛ زیرا کړک استانبولده حکمران اولان سلطان وکړک طهران تختی اشغال ایدن چوق فرق سیاسیه نك ، فاس سلطانی ایله مصرخدیوی ده فرانسوزانگلیرلرک الندهالت مقامنده قالمشدر . امیرک برادری نصراه خان وکامل منلارمشارالهی سالف الذکر طریقه سوق ایتمکدهدرلر . برمدتن بری افغانستانده وخصوصیه خدمات عسکریه ده برخیلی ترک استخدام ایدلکده وبومناسبتله کابل وقسطنطنیه بیننده مناسبات تکثر ایلکدهدر . امیرمکدهده مدینه ده وشرق قریبک برنوع مرکزی اولان بغدادده وکیللراقامه ایتکده وشعبه مرکزی اولان کربلاونجف ایله ده مناسباتده بولمدهدر . بوتشبات واوروپادن کلن جریان ، اتحاد اسلام حسیاتی تشدید ایلکدهدر . آوروپا دول خرسیتیا نیه سنک موجودقلان برایکی اسلام دولتی ده مضمحل ایدرک ممالک مذکوریه یی دخی ضبط ایلمک اوزره عقد وفاق ایلمک لرینه فاس ، طرابلس غرب وایران احوالیله استدلال ایدلکده وبوکاهندستان اهالی مطیعیه سی ده اعتقاد ایتکدهدر . عالم اسلامک عصیبتی تحریک ایچون بوندن دها مقنع دلائل سردی مشکدر . وبو سوانقله اتحاد اسلام فکرنده مدهش بر تجدید منظور اولمدهدر . هندستان مسلمانلری ممالک بعیده ده جریان ایدن وقوعاتی کمال دقتله تعقیب ایتکدهدرلر . فاس احوالی وخصوصیه طرابلس وقایع ۱۸۹۷ ده عثمانی یونان محاربه سنده اولدینی کبی مقام خلافتک محارب بولنسی حسیله تأثیرات فوق العاده حصوله کتیرمکدهدر . سنوسیلرک محاربه یی اشتراکی حسیله بر چوقلری آفریقادن مهدینک ظهورینه ودنیای استیلا ایلمسنة انتظار ایلکدهدر . پروپاگاندا نك مهم وسیله لرندن بری ده حیدر . ایران امورنده روسیه یی مماشامزوروسلر طرفندن مشهدک طویه طوتولسی هندوستان مسلمانلری بیننده پک فنا تأثیر اجرا ایتشددر . هندستان جرائد اسلامیه سی دائماً خرسیتیانیتک اسلامه تجاوزلرندن بحث ایتکده وبعض هند غزته لری ده هند مسلمانلرینک حکومت طرفندن ترک ایدلیدیکندن بحث ایدرک هیجانی تزیید ایلکدهدرلر . کلیرغه ، عجمیر وشیر هند زیارتگاهلرنده افغانستاندن ، جازدن بغداددن واستانبون کلن ویا کوندریلن زائرلر شدتی پروپاگاندا یاقمدهدرلر . هند مسلمان غزته لری افغان امیرندن کمال حرمت وستایشله بحث ایدیورلوروسرای خلق ایله مستشارلری جهاد طرافداری کورونیورلرکه اگر برکون امیرشوق وغیرتی یکمیوب بوجریانه قایلیرسه نتیجه نك نه اوله جنی بیلنه من .

(تایمس) غزته سی بومقاله دن بحث ایدرک دیورکه :

« بندک محرری هندستانده وممالک شرقیه ده درین وکیلز سیاسی ودینی جریانلره واقف تجربه دیده برذاقدر . محاکماتک صورت عمومیه ده مصیب اولدیغنه قائلز . ظنمزه کوره یکی پان اسلامیزم اسکینندن فرقلیدر . اسکیدن حرکت مذکوره نك مرکزی استانبول ومشوق سابق سلطان عبدالحمید ایدی . حالبوکه اتحاد اسلامک صفحه اخیره سی صورت طبعیه ده کندیلکندن تحدث ایتشددر . وشبه سز دها واسع اولوب « دول نصرانیه طرفندن عالم اسلامک صوک خط مدافعه سی اولان اسلام دولتلری اوزرینه وقوعبولان تضییق وتجاوزدن منبعث انفعال » تعریفله توصیف اولنه بیلیر . تمایلاتی بالضروره سیاسی اولقله برابر اساسی دینیدر . هلال و صلیب بیننده کی مخالفتک تمادیسنی کی کورو - نمکدهدر . بوکون هند مسلمانلری چاراقطارچ انده کی دین قرداشلرینک احترازانته اشتراک ایتکدهدرلر . وبو حالی اون بش سنه اول عثمانی - یونان محاربه سی مناسبتیه اولدینی کبی ارتق امال ایده میز . زیرا حبیباه خان ذکی ولیاقتلی ایسه ده بر (بیوک آدم) اولدینی کبی جهاد سوق واداره ایده جک اوصافده مالک دکدر . فعلا دن زیاده قوله مستعد کورونمکدهدر . هندستان مسلمانلرینک ایران احوالنه استنتاج صورتیه انگلتره نك دخی اسلام علیه اتفاق ایلدیکنه مقتدر اولدقلری طوغرودر . وبوظنی رد ایتک مشکدر . بر فکر شرقة انتشار ایدرسه هیچ برحمتله رد اولونه من . مخبر عزمک سیاست خارجیه مزده بعض تبدلات ایله تهلکه نك اوکنی المی خصوصنده کی توصیه سنده اشتراک ایده میز . هنوز مبهم وغیر معین برتهلکه دن اجتناب ایچون روسیه دن آیریله رق بین الملل مناسبات سیاسیه منری آلت اوست ایتک دوغرو اوله ماز . »